



Ein cyf/Our ref MA-L/LG/0489/19

Mike Hedges AC  
Cadeirydd  
Y Pwyllgor Newid Hinsawdd, Amgylchedd a Materion Gwledig  
Cynulliad Cenedlaethol Cymru  
Tŷ Hywel  
Bae Caerdydd  
Caerdydd  
CF99 1NA

[SeneddNHAMG@cynulliad.cymru](mailto:SeneddNHAMG@cynulliad.cymru)

8 Gorffennaf 2019

### **Bil Anifeiliaid Gwyllt a Syrcasau (Cymru)**

Yn sgil cyflwyno Bil Anifeiliaid Gwyllt a Syrcasau (Cymru) i Gynulliad Cenedlaethol Cymru ar 8 Gorffennaf 2019, amgaeaf gopi o datganiad o fwriad polisi. Darperir y dogfen hyn i helpu'r Pwyllgor wrth iddo graffu ar y Bil.

Edrychaf ymlaen at ddarparu tystiolaeth i'r Pwyllgor maes o law.

Rwyf yn anfon copi o'r llythyr hwn at Gadeirydd y Pwyllgor Materion Cyfansoddiadol a Deddfwriaethol.

Cofion,

**Lesley Griffiths AC/AM**  
**Gweinidog yr Amgylchedd, Ynni a Materion Gwledig**  
**Minister for Environment, Energy and Rural Affairs**

Bae Caerdydd • Cardiff Bay  
Caerdydd • Cardiff  
CF99 1NA

Canolfan Cyswllt Cyntaf / First Point of Contact Centre:  
0300 0604400

[Gohebiaeth.Lesley.Griffiths@llyw.cymru](mailto:Gohebiaeth.Lesley.Griffiths@llyw.cymru)  
[Correspondence.Lesley.Griffiths@gov.wales](mailto:Correspondence.Lesley.Griffiths@gov.wales)

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

## Bil Anifeiliaid Gwyllt a Sycasau (Cymru)

### Datganiad o Fwriad Polisi ar gyfer Is-ddeddfwriaeth

#### *Is-ddeddfwriaeth*

Mae'r pwerau sydd yn y Bil i wneud is-ddeddfwriaeth yn rhai sydd i'w defnyddio yn ôl disgrisiwn, ac nid oes unrhyw fwriad i ddefnyddio'r pwerau hyn yn syth. O'r herwydd, ni pharatowyd rheoliadau drafft; yn lle hynny, bwriedir i'r wybodaeth isod esbonio sut y mae'r pwerau i gael eu defnyddio (ar yr adeg berthnasol).

#### **Adran 3: Ystyr "anifail gwyllt"**

Yn y Bil, mae "anifail gwyllt" yn golygu math o anifail nad yw yn aml yn cael ei gadw fel anifail domestig yn Ynysoedd Prydain. Mae'n bosibl y bydd ansicrwydd neu wahaniaeth barn ynghylch a yw math o anifail i'w ystyried yn wyllt ai peidio. Caiff Gweinidogion Cymru, drwy reoliadau, bennu math o anifail (a) sydd i'w ystyried yn anifail gwyllt, a/neu (b) nad yw i'w ystyried yn anifail gwyllt. Fodd bynnag, nid yw'r pŵer i wneud rheoliadau yn rhagfarnu natur gyffredinol y diffiniad o anifail gwyllt yn y Bil. Nid yw'r pŵer hwn yn ei gwneud yn ofynnol i Weinidogion Cymru restru pob anifail gwyllt mewn deddfwriaeth.

#### **Adran 4: Ystyr "sycas deithiol"**

Yn y Bil, mae "sycas deithiol" yn golygu sycas sy'n teithio o un lle i'r llall er mwyn darparu adloniant yn y lleoedd hynny, er bod cyfnodau pan nad yw'n teithio o un lle i'r llall. Mae'n bosibl y bydd achosion lle y bydd ansicrwydd neu wahaniaeth barn ynghylch a yw math o ymgymeriad, perfformiad neu adloniant yn cael ei ystyried yn sycas deithiol ai peidio. Caiff Gweinidogion Cymru, drwy reoliadau, bennu math o ymgymeriad, perfformiad neu adloniant (a) sydd i'w ystyried yn sycas deithiol, a/neu (b) nad yw i'w ystyried yn sycas deithiol. Fodd bynnag, nid yw'r pŵer i wneud rheoliadau yn rhagfarnu natur gyffredinol y diffiniad o sycas deithiol yn y Bil. Nid yw'r pŵer hwn yn ei gwneud yn ofynnol i Weinidogion Cymru restru, mewn deddfwriaeth, bob math o ymgymeriad, perfformiad neu adloniant sydd i'w ystyried, neu nad yw i'w ystyried, yn sycas deithiol.

#### **Adran 11: Rheoliadau**

Mae rheoliadau o dan y Ddeddf i gael eu gwneud gan Weinidogion Cymru. Mae pŵer i wneud is-ddeddfwriaeth i'w harfer drwy offeryn statudol, ac mae'n cynnwys pŵer i wneud darpariaeth wahanol at ddibenion gwahanol. Ni chaniateir gwneud offeryn statudol sy'n cynnwys rheoliadau oni bai bod drafft o'r offeryn wedi ei osod gerbron y Cynulliad ac oni bai ei fod wedi ei gymeradwyo drwy benderfyniad gan y Cynulliad.

#### **Ymgynghori ar is-ddeddfwriaeth**

Mae Llywodraeth Cymru yn ymgynghori ar gynnwys is-ddeddfwriaeth pan mae o'r farn ei bod yn briodol gwneud hynny. Byddai penderfyniad yn cael ei wneud ar yr adeg briodol am union natur unrhyw ymgynghoriad ar arfer y pwerau i wneud

is-ddeddfwriaeth.

### ***Asesiad Effaith Rheoleiddiol***

Mae'r dadansoddiad a gyflwynir yn yr Asesiad Effaith Rheoleiddiol yn seiliedig ar y diffiniadau cyfredol o "anifeiliaid gwyllt" a "syracasau teithiol", sy'n rhai a dderbynnir yn gyffredinol. Bydd angen RIA i gyd-fynd ag unrhyw is-ddeddfwriaeth yn y dyfodol sy'n pennu pa fath o anifail (a) sydd i'w ystyried yn anifail gwyllt a/neu (b) nad yw i'w ystyried yn anifail gwyllt neu i bennu pa fath o ymgymeriad, perfformiad neu adloniant (a) sydd i'w ystyried yn syracas deithiol a/neu (b) nad yw i'w ystyried yn syracas deithiol. Ni ragwelir ar hyn o bryd y bydd angen deddfwriaeth o'r fath ac ar hyn o bryd, yr amcangyfrif gorau o gost unrhyw is-ddeddfwriaeth yw dim.

### ***Gweithdrefn***

Bydd gwneud Rheoliadau i benderfynu ar yr hyn sydd yn neu nad yw'n anifail gwyllt neu i bennu math o ymgymeriad, gweithred neu adloniant sydd i'w ystyried neu nad yw i'w ystyried yn syracas deithiol yn berthnasol i'r drosedd, ac felly, byddai'n ofynnol i'r Cynulliad eu cymeradwyo'n benodol cyn iddynt ddod yn gyfraith (drwy'r 'weithdrefn gadarnhaol').